

10. november

**Ilinniagaqartut nunatsinneersut Danmark-imi najugaqartut nunatsinni Folketing-imut qinigassannngortittunik qinersisinnaanerat aqutissiuunniarlugu Folketing-imut qinersinermut inatsisaasup allannngortinnissaa pillugu saaffiginninnissaannik Naalakkersuisut peqquneqar-nissaannik Inatsisartut aalajangiiffigisassaattut siunnersuut.**

(Inuit Ataqtigiit Inatsisartuni ilaasortaataat)

Ilinniagaqartut nunatsinneersut Danmarkimi najugaqartut nunatsinni Folketingimut qinigassa-nngortittunik qinersisinnaalernissaannik siunnersuuteqartut sammititaat Siumumiit imaattumik oqaaseqarfigissavarput.

Siumumiit kissaatigilluinnarparput inuiaqtigiit tamat oqartussaaneranni peqataanerat kiisalu inui-aqtigiit aqunneqarneranni innuttaasut aalajangersaaqataasarnerat suli annertunerusariaqartoq.

Siunnersuuteqartut isumaqarput ilinniagaqartut nunarput qimallugu Danmarkimi najugaqarallartut nunatsinni Folketingimut qinigassannngortittunik qinersisinnaalertariaqartut, tamannalu Siumumiit soqutiginaateqartikkatsigu matumani oqaatigissavarput. Siumumimi pingaartipparput inuit nunatsinneersut nunatta avataani najugaqarallartut sapinngisamik amerlanerpaat nunatta siu-nissaanut ilusilersueqataanissaannut periarfissaat pitsaasuusariaqartut, matumani aamma Folketing-imut qinersisarneq eqqarsaatigalugu.

Ilinniagaqariartorlunimi Danmarkimiittariaqartarneq amerlasuutigut tassaasarpog ilinniakkamik naammassinninnerup kingorna nunatsinnut utertermik kinguneqartartoq, taamaattumillu Siumumiit pitsaasutut isumaqarfigaarput ilinniartut nunatsinneersut ilinniarnarup nalaani nunatsinneersunik Folketing-imut qinigassannngortittunik qinersisinnaalernissaasa periarfissarsiuunneqarinnissaa.

Taamaattorli Siumumiit aamma isumaqarpugut apeqqutip taassumap mianernartoqarsinnaanera. Ilinniagaqartummi nunatsinneersut Danmarkimi najugaqartut nunatsinnut kingusinnerusukkut uterlutik angerlartarnissaat matumani qulakkeersimaneqanngitsoq Siumumi isumaqarpugut, tassami ilinniartorpaaluusarput ilinniarnertik naammassereeraluarlugu nunatsinnut angerlarneq ajortut.

Siumumiillu Naalakkersuisut inuit Folketing-imut qinigassannngortittunik nunatsinneersunik qiner-sinnaasariaqarnerannik oqariartuutaat isumaqatiginartissinnaagatsigu matumani oqaatigissavarput, tassami inuppasuupput Danmarkimiittariaqartartut piffissami sivikinnerusumi sivilunerusumi-lluunniit, ilinnartuusullu saniatigut tassaasinnaasarlutik inuit peqqissutsikkut peqquteqarlutik Danmarkimiittariaqalersimasut, inuit nunarput sinnerlugu atorfeqartinneqartut ilaallu ilanngullugit.

Taamaattumik Siumumiit isumaqarpugut ilinniartuinnaat uani kisiisa aallaaviginagit allalli aamma nunatsinnut attuumassuteqarsinnaasut ilanngullugit inuit Danmarkimi najugaqartut Folketing-imut nunatsinneersunik qinersisinnaalernissaasa periarfissarsiuunneqarsinnaaneratt misissorneqartaria-qartoq.

Siumumiit siunnersuummut taamatut oqaaseqarluta siunnersuut aappassaaneerseqartinnagu ataat-simiititaliami susassaqartumi suliarineqarinnissaa innersuussutigaarput.

Anders Olsen, Siumut